

興國縣志卷之二十四

人物二

忠義

宋

鍾紹安北隅二里人嘉熙戊戌進士銓分官主簿有政績遷上杭令宋末從文天祥起義勤王死祀鄉賢郡志

按紹安為興邑人物忠義之冠志林載宋忠節十二人皆從信國開府興邑者但言紹安祀邑鄉賢不及死難之事贛郡謝志科目表則云從文丞相勤王奏功誥旌之黃志亦止言從文天祥起義勤王奉詔嘉

興國縣志

卷二十四

人物
忠義

一

獎孔志增死難二字又云咸淳二年詔書嘉獎忠節未知何據考鍾氏族譜天祥抵興國紹安散家財召募里中義兵八百餘人應之詔書嘉獎事當在景炎二年其非咸淳二年明矣譜又載信國被執後紹安欲自刎僕力救止返里謝絕人事祥興二年卒其以忠獲褒而實未死難亦明矣今從贛郡方志而附識其散家財召募義兵事於此蔣志

鄒嶧官奉御與文丞相天祥募義勤王營寨於衣錦鄉團大坑山累石為墉門隘三層去縣百二十里未幾為元兵所敗執之北去後人名其地為鄒公寨參袁志志林



按損持太史云嶧之名宋史及督府忠義傳皆不載
蔡黃二志闕焉然袁廣文天麒鄒公寨記事皆摭實
必當有考姑附於末蓋已附於信國起義十一人之
末復附於贛郡志忠節傳之末而終不敢以嶧爲非
與國人也方志削之抑已過矣今據謝方伯郡志及
志林所錄補爲此傳後人覽此知信國之志回天命
而氣感風雷邑中同矢忠義者自鍾紹安而外復大
有人是亦可矣亦何必以蔡黃二志之失載輒疑鄒
嶧或卽鄒瀨耶考鍾氏家譜載紹安與鄒嶧等遇李
恆戰於表湖同敗北復與信國會同至空坑欲就鄒

興國縣志

卷二十四

人物
忠義

二

瀨於永豐嶧與瀨爲二人明矣

又按孔志云從信國起兵死節者鄒瀨趙時賞鞏信
劉子俊陳子敬張抃杜澣蕭資劉伯文張日中鄒嶧
皆非本邑人史傳各詳志之概不登載今考志林明
言嶧名爲史傳所不載如鄒瀨劉伯文皆吉水人趙
時賞和州人鞏信安豐人劉子俊廬陵人陳子敬贛
縣人張抃蜀人杜澣天台人張日中南城人惟蕭資
鄒嶧皆不知何處人資兵敗之後死於潮陽嶧有屯
兵遺蹟袁廣文爲之記故贛郡志忠節傳陳子敬之
後卽錄鄒嶧蓋陳係贛人鄒或係興國人但不敢質

言之故曰姑附於末也

蔣志

明

丁傑縣丞昂子昂歿於官無留貲喪不得舉因占籍焉
正統十三年用儒士薦為本邑訓導奉府檄署龍南縣
學事率諸生講學於堂流寇猝至佯厲聲拔刀以威之
傑端坐不動曰士可殺不可辱吾方以聖賢之所教教
人豈肯為汝屈耶賊怒遂兵之泰和曾琮為之傳蔡志
鍾迪海為縣筦庫吏正德五年流寇入城將劫庫藏迪
海先匿之賊至無所得執迪海榜掠百端終不言賊怒

立斬之

蔡志

興國縣志

卷二十四

人物忠義

三

蔡鍾有曰仗節死義之臣代不數見求之胥吏之微
抑又難矣正德之變署縣者脫身遯以城委賊賴迪
海而國帑獲全後四十年嘉靖辛酉寇禍遂公私靡
有子遺豈非風聲不樹而人不知死義之所致耶書
此為之三慨

李田字見龍東隅人崇禎癸未以歲貢為泰和教諭遷
廣東長樂知縣有土賊為民害久前令視撲滅為難相
率因循田初蒞事遽請於上僚以官兵進勦兵遲久未
至奸民與賊通者漏言焉賊先發攻城城中無兵田被
獲曰寧殺吾一人無濫及無辜赤子田有僕願代死賊

不聽而殺田田刺血題詩云有生皆有死身死何足惜
只會一卷書何堪萬人敵體虧親受辱名殞節自殪寄
語千秋史爲予顯心迹田在官刻意拊摩百姓愛戴倉
猝中民爭護其家屬以免復襄助資給得歸參通志黃
志志林

蕭廷上邑諸生丙戌七月萬元吉弟六吉以廣西狼兵
援贛廷上與諸生彭玉生潘得先等率社兵百餘人迎
之未至城六十里舟被焚廷上戰死志林

謝武烈北一里人由武舉爲贛州府武學教授陞御營
都司丙戌十月城破被殺四子同日并命志林

鍾昌明邑諸生與社兵之選丙戌八月從總督中軍曹
興國縣志

志建帥偏師出南門禦戰兵敗俱死志林

曾聯甲字贊璣以武力稱寧都會給事應遴糾兵援贛
以聯甲自隨後死於信豐志林

廖任隆字凝和廖宏志字盡臣廖日閑字威抑同族兄
弟行皆邑之諸生也從寧都會某聚鄉兵謀取雩都戰
於壇石被執戮於市死之日凝和有妹往哭凝和笑叱
之慷慨就刃志林

曾國鼐字叅元邑諸生甲申流寇陷京師北面痛哭道
後郡將至今雍髮易服不屈遂見殺蔣志

鍾啟岫號伯平乙巳二甲一名進士翰林院侍講 上

書房行走甲子秋丁母憂在籍陝甘總督楊岳斌來贛
援勦奏請往參西省軍務乙丑春攜次子祥煦同行抵
省後一切機宜咸資贊畫明年三月岳斌出堵外郡啟
岫畱守時有遣勇暗勾回匪謀逆突大督署啟岫父子
俱死於難岳斌聞變回省擒斬逆首並馳奏請卹奉
旨著照三品官例給騎都尉世職襲次完時給予恩騎
尉世襲罔替

鍾祥煦號春園啟岫子由邑庠加捐府同知職同治四
年隨父參陝甘軍務各路來行文移悉由裁答行營露
布倚馬可待幕府深倚爲重五年春同父殉難奉

興國縣志

卷二十四

人物
忠義

五

旨著照知府例贈太僕寺卿銜給雲騎尉世職襲次完
時給予恩騎尉世襲罔替

王頌三號小華道光己酉拔貢朝考以知縣用分發湖
北歷署長陽黃安江夏安陸通山麻城等縣事保奏加
同知銜咸豐九年補來鳳縣倡建礮卡修復社倉其教
士先器識後文藝邑生童各給劉忠介人譜類記一編
屬書院山長與諸生講解切劘十一年粵賊攻城援絕
城陷率家丁彭元與賊巷戰死湖北巡撫專摺奏聞奉
旨加贈知府銜通飭死事處及原籍地方建立專祠給
世襲雲騎尉三次完後給恩騎尉世襲罔替

韓鳳飛字丹山進春姪武生咸豐三五年興國兩次守城從叔進春禦賊最出力嗣後各路援勦無役不從進春嘗語人曰此吾家千里駒也以功敘補千總同治二年沈中丞檄赴饒防與賊力戰賊不支忽賊隊中暗放洋礮不及防爲所中傷陣亡中丞疏報云韓鳳飛英銳明敏年方弱冠贛南迭著奇功方以遠到期之本年調赴饒防屢次血戰奮不顧身克摧堅敵乃中道遽殞聞者同聲痛惜奉

旨加贈守備銜給雲騎尉世職三次完後給恩騎尉世襲罔替並於南贛地方建立專祠

興國縣志

卷二十四

忠義

六

鍾燦斗太平鄉心田人邑諸生辦理團練咸豐五年冬偵賊由白羊卡入境調勇將往禦自進城請邑侯令侯見其舉止倉皇神色黯晦欲暫留一宿燦斗曰生來時各勇淮備往堵倘不得令無以定進止眾或解散以後呼召不應貽誤非淺侯不得已給之去至半途遇賊擄去以兵脅之不屈且抗聲大罵賊怒割其舌罵不出則以頭觸賊賊割及洞胸死

肅盛標張公橋監生成豐七年三月雩都股匪分擾也軌嶺盛標率鼎龍堡勇出禦遇賊於新溪以少擊眾賊敗追至老墟軍無後援賊反兵圍裹盛標左右衝突不

得出賊攢刺之陣亡團勇亦多殺傷詳報請卹奉
旨著世襲雲騎尉三次完後給恩騎尉世襲罔替
會紀忠三察監生曾氏族大人眾團練推紀忠爲首咸
豐七年五月賊至雩都清塘距三察廿里紀忠登高覘
之見賊縱燒民房率子弟數百人救之賊見與勇來援
遽遁去後偵知團勇不多反兵來撲紀忠以救護房屋
未及歸見賊來知不可敵令子弟整隊退自殿後戰且
走賊益至被圍力竭陣亡詳報請卹奉

旨著世襲雲騎尉三次完後給恩騎尉世襲罔替

何開興太平鄉水口人多力有膽咸豐三五年興邑守

興國縣志

卷二十四

人物

七

城出力多所斬獲六年正月從韓進春勦賊泰和遇賊
於山溪頭賊疾奔開興追至城下從勇僅數十人大呼
曰奪城在今日都隨我來既入門閉賊徒欲生致之開
與手及數人賊怒兵刃鱗集遂醢之蓋陣亡之最烈且
慘者彙請得 卹耐祀昭忠祠

邱得標宜桂墩人以行伍補上猶外委署崇義把總咸
豐六年賊圍南安城得標帶兵勇往援至鉛廠遇賊大
至力戰被執賊欲降之得標曰吾亦朝廷職官賊奴即
日滅亡犬彘不食爾肉吾豈降賊奴者賊撲殺之奉
旨著襲雲騎尉三次完後給恩騎尉世襲罔替

趙師龍龍坪人由武生投營補贛標後營外委咸豐三年隨總鎮往勦上猶賊匪時附城鋪戶俱爲賊踞師龍奮勇縱火焚之賊不能抵徙樓上暗放火槍不及防中腦障亡

劉成美成斌弟大章貢人道光壬寅從征廣東有功保賞藍翎署贛標中營千總咸豐六年隨道憲周公守吉安城陷戰亡彙報得卹 准附祀貞恪公祠

劉榮成斌子由武生投營補萬安外委陞把總咸豐六年隨遮協憲勦潭口賊戰亡詳請得 卹給雲騎尉世職

興國縣志

卷二十四

人物

八

蕭治先均村人由行伍補安福外委咸豐六年隨周憲堵賊吉安城陷戰亡詳請得卹 准世襲雲騎尉

劉興發羊樂人藍翎都司同治三年建昌陣亡

劉興和花翎參將陝西陣亡

鍾光斗黃瓊人以功累保藍翎參將同治七年湖北陣亡

許其名高興墟人花翎都司安徽甯國陣亡

池進瑞三阮尾人同治八年保舉藍翎守備貴州陣亡

何家松三阮尾人藍翎守備同治八年貴州陣亡

鄭明連長嶺人藍翎守備同治八年貴州陣亡

何九濤高興墟人以功保舉千總咸豐八年零都陣亡
馮元亨均村人咸豐七年流賊入境命其長子季子帶
勇堵禦自往覘虛實遇賊被害三子優廩生吉士以其
事報縣祀昭忠祠

武生 王輝鵬 生員 謝元斌 武生 邱定銘 監生 蔡宗訓

監生 黃遠掙 從九 張國任 從九 曾傳遇 軍功六品 梁飛熊

藍翎 王耀鵬 軍功六品 程繩武 軍功六品 王發貴 軍功六品 張文彬

軍功 何占彪 軍功六品 張鳳翔 軍功七品 鍾國賢 軍功七品 呂殿麟

軍功 管榮陞 軍功七品 王瑞鵬 軍功七品 鍾榮光 軍功七品 呂洪春

軍功 劉光林 軍功七品 賈朝桂 軍功七品 謝雲彪 軍功七品 袁瑞斌

興國縣志 卷二十四 忠義 九

軍功 賴天福 軍功七品 賈朝龍 軍功七品 譚桂芳 軍功七品 王甫元

軍功 張洪亮 軍功八品 王永高 軍功八品 呂廷彪 軍功八品 鍾興華

軍功 劉得魁 軍功八品 呂定元 賞給七品 劉文驤 監生 蕭顯進

卜元亮 陳文元 鍾凌雲 謝金榮 鍾名高

王全恩 楊成斌 楊雲高 余成彪 呂慶祥

王運銘 邱國珍 胡吉陞 楊福高 李洪春

鍾名揚 呂茂高 曾得良 羅亮明 歐陽臯

羅洪亮 王遇貴 蕭元發 謝貓狸 李昌禮

張德鏗 謝持謠 胡遠煦 謝持誤 謝顯珎

謝耀儀 謝才星 謝才清 謝遠璞 謝仁壽

李隆旦 黃先登 陳利奏 廖榮吉 曾興雁

歐陽鎬 謝祥昇 林宗彪 胡英德 葉漢相

邱良優 王珍鵬 江招發 周衍詢 鍾嘉棟

張文斌 郭家風 鍾位貞 黃遠佐 陳欲昇

劉才禪 吳世佑 陳清序 張慶珍 蕭孔悅

宋文材 謝會烈 劉和同 李啟清 羅尚行

韓功儀 韓功仍 羅景山 蕭昌桂 王茂才

郭敬持 黃鴻遴 黃鴻萬 黃慶溥 黃慶林

黃遠佩 曾傳芹 蔡忠芳 陳章福 蕭石保

郭春采 郭春官 郭隆葵 謝開春 康宣采

興國縣志

卷二十四

人物 忠義

康祖逢 陳名燮 陳道鎮 陳名橋 邱達才

邱廷才 劉長福 劉長祿 劉長壽 黃明選

吳世汶 林天榮 梁清訪 謝才琳 鍾德麟

張積材 張積傳 張積訓 朱才松 朱才瑞

朱才榮 羅國林 王必衛 劉家作 鍾國林

鍾國榕 謝開榜 謝開保 謝祥作 謝祥仁

謝祥峻 謝祥右 謝祥任 謝祥璋 謝長福

謝開泰 謝祥璘 謝祥璜 謝祥謐 謝開宗

蕭有斌 胡繼揚 吳來宸 胡賢湄 歐陽登東

陳德輝 黃明通 蕭自汾 蕭大炳 蕭自振

蕭孔材	蕭孔彩	劉興隆	蕭有勇	方隆洪
曾坤瑞	蕭自搏	蕭自錢	蕭自銜	蕭大優
蕭大燿	謝賢廩	謝士仙	謝士俚	劉弈波
蕭顯連	康功佚	康德沛	康德炳	康名峯
蕭達佐	蕭振揚	康功祜	康名紋	康名縉
王九泉	王述貫	王述芳	王上桂	王上佐
王述羣	王質太	王上轅	劉瑞諒	劉光瑾
謝顯璿	謝耀會	謝耀袍	謝才賞	謝耀泗
謝才璜	謝耀碧	謝家林	葉德炆	謝家材
葉善珠	黃德昌	葉德明	葉德生	賴九延

興國縣志

卷二十四

人物

十一

劉前貢	曹佳清	謝效緒	何榮智	趙觀音子 <small>兄弟</small>
陳顯廷	陳德祀	陳日鳳	劉萬節	劉家洲
劉傳蘊	曾廣任	李萬玘	李祿兆	李才揚
黎光祀	鍾彝訓	鍾水龍保	鍾倫咸	鍾兆訢
江開明	鍾昌荏	鍾由明	池上桂	邱家垓
夏學諫	紀瑞興	張長珠	張賢紹	饒剛洪
黃剛洪	陳立榮	楊旺深	黃璧虎	林元崇
饒宏源	陳正奇	曾祥高	曾傳興	曾傳信
曾傳諫	曾傳道	曾傳茂	曾毓洸	曾紀春
曾毓詒	曾傳和	曾紀從	曾廣訓	曾傳諒

蕭世坎	張宗誥	廖才任	鍾麟	何開讚
張家駒	范先賢	謝遠明	鍾相玉	鍾國安
鍾國寶	鍾建資	鍾玉龍	趙登椿	許金發
賴世榮	鍾建貴	蔡忠汗	蔡忠江	蔡忠棟
賴飛鳳	簡貞榮	陳世貴	謝永珽	陳子洪
陳子灝	鍾奇高	蕭昌標	蕭昌洪	李其德
謝運授	謝楨祥	謝運連	謝運迥	謝運高
謝運林	謝運萬	謝運鳴	謝瑞祥	謝運揮
謝運洋	謝運持	謝運進	謝運庶	朱成烈
劉啟明	王大魁	何占春	謝連元	鍾祥陞

興國縣志

卷三十四

人物

十三

王雲鵬	鍾興和	黃瑞標	曾愈高	陳榮
郭元祥	曾永福	呂殿高	劉日新	鍾祥輝
王大斌	蕭昌順	呂雲飛	鍾名材	蕭輝
郭倫章	劉遇恩	夏學澗	李昌呂	鄒遠湛
符榮善	羅定忻	陳道溱	劉文金	陳奇欽
黃祚貴	官志玉	傅立科	徐光霞	張必遠
劉必勉	謝金榮	郭國昭	鍾金彪	劉福星
曾有明	夏仁玉	蕭孔瑄	曾世玘	陳昌德
曾廣漢	胡賢章	蕭賢良	姚定傳	陳接仁
嚴德才	劉瑞綱	溫其佑	李才揚	方玉麟

黎光仕 謝垂江 黃上士 楊國叔 歐陽連琇

王道祿 夏侯文科黃學詩 歐陽利遺陳為連

李發淮 李盛利 黃光利 陳光恬 謝昌俊

雷興揚 雷興計 胡貞文 蕭彥滋 陳登璜

劉東秀姑劉世標 呂茂坤 王運逢 溫萬崇

鍾遠燐 蕭孔彰 劉器證 謝持謀 鍾白拱

藍華焜 鍾自挺 劉福秀 符榮亮 朱廷橋

張萬洲 符榮樣 巫英佑 翁逢其 曾紀權

李隆瑤 劉大純 蕭孔停 蕭孔偁 李永祿

蕭盛枕 王得逸 鍾延坤 呂道才 劉德讓

興國縣志 卷二十四 人物 忠義 十三

劉器停 吳鼎河 張家煦 劉世恩 陳道亮

劉繼喜 郭國慈 吳德馨 郭占彪 劉文都

劉福映 邱聲名 邱爵宜 鄒生發 劉大顯

蕭大鳳 范利貢 許大均 劉萬炳 康功俊

董成子 劉偉炳 郭家楨 羅尚茂 陳接理

陳接偉 邱榮芳 蕭昌清 陳連瓚 鍾顯倬

劉前照 謝鉅才 林亨華 楊清謫 鍾以辛

梁德高 鍾大星 賴俊智 黃遠茗 郭昌志

鍾芳洪 謝萬求 謝世珍 王正倚 陳九柏

陳重保 黃占熊 曾其輝 陳恩瑤 鄒麻子

會毓璣	劉大成	汪會方	張求賢	汪佳崙
林萬才	曹學富	賴耀鼎	賴祖昭	賴德明
吳德彩	張萬有	張榮富	張成清	廖昌瓊
鍾運祿	彭大楊	陳登洪	溫濟胡	溫世萬
邱士福	彭永榮	巫家壽	陳範玉	陳興宗
鍾星煌	李木盛	江功情	吳德全	楊啟彩
邱訓灝	饒剛周	羅進茂	林耀逢	江功恪
江名炳	朱懷德	王洪清	張春秀	傅滿子
鍾寶珍	段德良	劉大儀	陳先泮	駱成湖
溫濟鋸	曹興注	黃助貴	陳恩珠	曾範忠

興國縣志

卷二十四

人物

十四

曾廣安	曾毓欽	曾興暉	曾傳淶	曾毓渚
劉大湖	葉宗柏	劉定文	鄧秀元	曾奔理
曾世洪	鄧萬文	鍾芳德	曾廣煥	楊士瑒
劉邦珍	劉邦瑤	劉世讓	楊起河	袁仁萬
韓朝堯	韓朝晃	韓功伯	曾繼熙	尹盛有
余官倫	沈興祿	胡英芬	胡賢悳	胡繼泮
歐陽登華	黃裕堂	楊正經	吳來茂	楊章堪
歐陽連珂	曾有名	歐陽宜諫	何懋任	曾奔瑞
楊國憲	雷永發	楊正燿	謝建使	謝建惟
謝建恬	謝垂拱	謝垂滾	謝垂匯	謝建宜

曾紀根 歐陽烈 劉朝採 蕭孔繁 李才高

黎光祚 巫老三 曾興鏐 曾興鴻 曾紀值

廖祖柏 劉光林 蔡耀炳 謝持連 謝當才

鍾仁田 謝遠廷 李大遜 楊清玠 蕭聲動

蔡學義 黃世依 凌世燦 王秀富 凌居文

陳榮 周衍藹 危萬洪 宋國相 陳道稀

劉石子 劉六桂生 宋泰瀾 梅世洪 姚德潤

周衍講 黃上卿 劉偉溢 吳仁漢 歐陽高

劉啟榮 李華芳 李憲芳 王孝興 王孝發

杜人茂 杜英洪 涂發龍 蕭洪發 鍾祥都

興國縣志 卷二十四 人物 忠義 五

李恩茂 李丁長 李恩龍 李恩芙 李恩萊

蕭昌美 蕭有源 胡昌蓮 韓功傑 周萬福

黃傳楨 鍾立滿 池章才 溫光寶 鍾日紡

黃永佳 劉祥興 蕭盛枚 謝開榆 謝祥銳

謝新春 謝員眼 謝開禧 謝祥綸 謝祥焜

謝祥縉 謝先信 謝祥班 謝應綢 雷繼佩

蔡忠洪 馮奇標 黃遠明 劉世提 劉世琛

劉世紋 劉世錦 劉世巒 劉世技 劉世標

劉世緝 劉世作 劉遠通 劉遠紀 劉遠椿

劉遠桂 劉遠宗 劉遠安 劉遠賓 劉承傳

劉遠俊 劉遠浩 劉遠河 劉遠崇 劉遠嵐

胡昌連 張遠發 張遠祿 張遠仕 張才連

鍾元添 王國漢 趙大沛 劉興龍 徐紹熊

軍功謝效中 五品陳得標 軍功朱大秀 鍾玉洪

軍功鍾國鋒 六品王安邦 軍功陳飛熊 鍾啟發

朱茂發 凌茂發 余新發 謝發貴 朱光洋

潘光油 余應章 許占彪 劉得勝 鍾發高

潘玉祥 朱得茂 鍾九明 潘日才 鍾明高

朱大發 鍾登元 李興亮 周成渭 陳昌憲

劉成渭 張德鑑 韓朝銀 劉任高 沈紹祀

興國縣志 卷三十四 人物 忠義 六

沈紹貴 沈紹康 廖得勝 劉名芳 陳萬洪

周序儒 陳萬琇 黎光次 魏安邦 劉利述

林上彪 鄒華淡 邱上成 邱舉鳳 邱立禮

黃財遠

以上咸豐同治間陣亡者

譚 榮 鍾攀桂 賈 祿 陳鳴鳳 謝恩科

羅 坤 張 琳 林國華 鍾鳴廷 羅明亮

曾光彩 吳 標 李 亮 萬 祿 蕭光鳳

楊 祿 蕭光廷 黃連秀

右十八人嘉慶元年從征湖北陣亡者今補錄

孝友

宋

蕭行可字見仕西隅人大觀三年進士父母歿自運槩
土營墳為豫章宮校秩滿將遷以論事不合棄官歸裝
蕭然惟書籍一車而已後累徵不起嘗輯錄國學一書
歿祀鄉賢理宗寶慶中舊志作清熙戊戌今從郡志更正縣尹趙不邊
於其居址請建孝行坊以表之參郡縣志

歐陽原遜字巽亨西隅人母病經歲弗瘳泣禱於天割
股肉啖之母獲痊蔣志增補

興國縣志

卷二十四

人物

孝友

明

呂叔素小字瑣住南隅人太常卿復之子父歿偕弟叔
熙叔寅廬墓三年母歿亦如之時有感召里人共詫為
異縣丞劉誠忠上其事詔旌之復其家唐令子儀美之
以詩參郡縣志

按叔素兄弟廬墓時蔡志謂時有猛虎馴其墓又有
異人餽之蔬食忽不見志林全刪之修府志時覺未
可盡沒故括之云時有感召里人共詫為異然天下
至奇之事其理歸於至常舊志馴虎餽蔬等說安知
非實有其事耶附識於此似不必以語怪為嫌蔣志

凌汝祥寶城鄉人少孤貧力耕養母母歿廬墓啜粥飲水朝夕哀號不輟以毀瘠死章令廷圭有詩輓之蔡志

呂承廣東隅人年十二喪父對人言輒隕涕母有目眚

朝夕不離寒則令妻温被朔望常露禱以祝母壽母年

九十而卒臨殯連阻雨雪承廣顙天泣拜是日忽開霽

人稱孝感蔡志

王仁政一名繼生字瑞麒西隅人欽裔孫父克明早喪

侍母彭氏母歿苦塊齋戒三年又追服父喪三年見鄉

間多貧不能延師教子為開義館召集童蒙教以小學

陰隲等書免其束脩知縣伍善聘為社學師歲節哀號

興國縣志

卷二十四

人物

六

思慕二親至老不衰宏治十五年以孝行旌參蔡志孔志

按謝郡志削仁政傳說詳朝綱傳後志林從之孔志

據蔡志增入今從孔志

王朝綱仁政孫幼知書禮母曾氏病衣不解帶湯藥必

親正德五年流賊掠城捨死扶救病母得全母歿廬墓

終制哀毀幾絕有司上其事詔旌之復其家參郡縣志

謝詔曰新志改為喪父母又增魚鳥奇萊之異似為

添足又增朝綱祖仁政宏治間亦以孝旌嘉靖十六

年重承恩命豎造世孝牌坊果爾當隆慶庚午修志

時何以錄其孫而遺其祖耶即牌坊款列孝子者三

止呂叔素呂承廣王朝綱三人而無仁政名又何也此不知其解大都興志多類此

孔興浙曰嘉靖十六年知縣李菽爲度西門外官地隨就丈量界至給豎世孝坊住屋萬歷四十六年合族重修知縣蔡鍾有爲記乾隆丙辰燬於火孫監生王士威合族人議復建乾隆癸亥又燬於火孫生員王敬售合族人復建祠其坊廢

按贛郡謝志據隆慶庚午邑志作居祖父喪守靈三年杜門不出居祖母喪廬墓終制其所謂新志蓋萬歷四十八年蔡志也損持太史於志林則從蔡志作

興國縣志

卷二十四

人物
孝友

九

居父喪杜門不出居母喪廬墓終制而於府志則改從謝志今考王氏家譜朝綱父歿時僅五歲祖父歿時理應承重然僅八歲童稚之年果能以喪故杜門不出耶至祖母歿時朝綱年甫三歲更不容有廬墓終制之事惟母歿時朝綱年六十有三母曾氏年九十有五當更得實故參考郡縣舊志另爲之傳鳳渚之論則附列焉

蔣志

王瑾字鉅卿北二里人幼孤孑立事貞節祖母鍾氏老羸扶侍孝養始終罔倦母謝氏待之最嚴百方承順竟

得歡心

蔡志

王瑋字俊卿北二里人父死瑋年甫十四奉母以孝聞拮据爲諸弟畢婚田宅盡讓其華腴者母歿獨任葬事

遇諱哀思蔬食終身邑令賓禮之卒年八十有二蔡志

李拊字文和朝次子性醇樸幼失怙事母孝母疾積歲

湯藥必親居喪苦塊三年兄揆赴選乏資斧鬻產助之

雖貧極無怨言邑令海瑞贈以粟帛聘爲鄉校師沉酣

經史至老不倦蔡志

鍾毓徽字述江北隅人父早喪事母陳氏以孝聞母歿

苦塊蔬粥三年鄰居失火毓徽伏棺號泣風息火滅吳

令宗周上其事巡撫王公獎以粟帛蔡志 志林

興國縣志

卷二十四

人物 孝友

三

方似渠字從甫廷對九世孫少有至性母病夜叩北辰

請以身代比居喪苦塊如禮事繼母無間所生母亦愛

之如己子爲諸生嗜學篤行年未五十卒士論惜之蔡志

劉望雲順義上人力耕事親母病篤割股爲藥飼母得

甦里鄰呈縣旌賞蔡志

劉士鳳順義上人母病篤割左股煮羹將熟忽仆地家

人救之得活母病亦間蔡令鍾有匾獎之蔡志 志林

李茂貴屋山下一里人邑庠生篤學力行事親克孝蔬

菜瓜果親未食者不敢先嘗承順友于懽聚一堂天啟

丁卯巡按曹行縣獎匾曰孝悌儒表黃志

曾君意崇禎辛未母病割股療之後三年母歿廬墓山中夜有叩門者君意曰此山中安得有人其鬼耶啟戶則寂然又虎咆哮戶外弗入而去終不爲撼三年乃歸壽七十八

林志

溫志達衣錦鄉大嶺山人割股肉啖親親病遂愈鄉人稱其篤孝

增補

國朝

鍾燦字內美邑諸生順治戊子寇亂繼母朱氏病篤燦侍牀簣弗離賊至叱曰胡不去燦泣云母病危不忍耳賊感釋之弟熺爲賊所執姪在襁褓中初燦不避艱

興國縣志

卷二十四

人物孝友

三

險俱遍訪贖歸卒王閣學思軾銘其墓

林志

廖士章三寮人順治己丑營將勦土寇弟士廣被執母江氏追至營計不欲生士章願破產贖否則以身代俱不許兵衆仆母子於地掠士廣以去後知士廣卒於江北有遺孤竭力贖歸爲授室友愛至老不衰

孔志

江立貢字彙英營前人順治丙申負父永俸避梅窖賊於上龍時立貢未得嗣永俸病革恐賊害之命遠逃立貢跪泣曰父疾兒求代不得忍貪生焉父終茹素三年

晝夜號泣如初喪時

孔志

呂太素字完樸孝子叔熙裔孫幼失父事母孝承顏順

志值雷雨嚴寒必謹相依附母卒朝夕哭踊每奠哀聲振地蔬食水飲三年族鄰哀其志呈舉前令何詢之以

孝行無間旌其間孔志

閔紹九九歲喪父母病醫罔效口嘗糞以下休咎及母

卒廬墓六載知縣黃之麟黃惟桂先後旌其間贛郡方志

呂儀畏字字侯太學生父邑庠簾晚喪明不啻左右起

居親扶掖凡湯藥汙穢之事俱不假他人二十餘年無

倦色後父歿居喪三年足跡不履塵市孔志

王三台城北人康熙甲寅土寇蜂起三台攜僕往蘇陂

負米供親為賊所獲令導之入城不從遂被殺僕得免

興國縣志 卷二十四 人物 孝友 三

歸述其事邑人稱孝義焉孔志

鍾國錦北一里人康熙甲寅寇變負母劉氏避難塘石

土圍夜半火發突火而出尋母不見大聲號哭復入烈

燄中救之不及同母俱斃時年方十五孔志

徐廷光字復旦西隅人廷輝弟早歲遊庠食餼父病癱

曉夜奉養十餘載無倦母七旬喪明以身祈代調治三

載復能視物師事伯兄友愛季弟雍正三年舉優行撫

憲裴拔入豫章肄業艾年將膺歲貢卒人深惜之孔志

呂朝勳字增煌太素孫生母早卒事繼母能得歡心事

父色養無違父病禱天願以身代持素十年父逾八十

而終既葬廬墓三年知縣徐大坤上其事乾隆六年

詔坊旌表

孔志

陳文興衣錦和睦坑人邑諸生值歲饑隨父往買米糧以濟族黨舟次袁州父失足墜河文興躍水救父皆溺死移時抱父屍浮水面同舟駭異爲之運載歸里

孔志

劉祥生泗望人父與伯兄早逝次兄服賈遠方祥生及冠未婚母晚喪明竭力奉侍不離左右歷十數年如一日逮母歿廬墓將終三年以疾卒於廬知縣張尚瑗顏其門曰孝行流芳廣文裘吉光誌其事於墓

孔志

鍾懋容字洪度榔木人奉父母避亂居贛城寇平歸家

興國縣志

卷二十四

人物
孝友

三

痛弟餘兆夫婦早世遺孤才伊生甫一月恩愛踰己子稍長出就外傅身親與俱才伊幼慧書數遍成誦年十二知縣張尚瑗拔冠童子試入郡庠二十七卒復撫才伊子尚弼後亦食餼明經兩世一脉皆賴之

孔志

鍾孔仁字毓秀大馬埠人父有目疾時以舌舐其翳膜經歲復明父歿哀毀幾絕喪祭盡禮又嘗修祖祠恤孤獨爲族黨所交稱

孔志

胡內蘊白石人母病聞醫言弗起割股療之母病尋愈知縣白成李旌以匾曰孝思刻苦後母歿結廬墓側日織屨易食六年乃歸

孔志

王可俊字偉人小春人監生父母有疾衣不解帶父死哀毀骨立每朔望倚墓哀號痛絕仆地悲動行人乾隆戊辰母劉氏歿廬墓三年知縣孔興浙給以純行光間匾額乾隆二十二年旌表建坊參孔志

王爾宣澄塘人父早逝事母以孝聞母患對口瘡痛苦難治漱口舐其膿血毒解得無恙孔志

廖日明衣錦三寮人親老朝夕奉養備極勞瘁年二十失偶宗族強之再娶不聽撫幼子力為諸弟完配鄉間稱其篤行孔志

鄭德進父患痢疾醫言不治嘗糞以下生死及父歿啜興國縣志 卷二十四 人物 孝友 西

粥三年母病瘡法當灸德進先自灸然後治母贛郡方志

陳章許衣錦鄉甘田人年十一失怙事母孝母卒負土成墳既葬擗踊哭泣時大雨浹手持一蓋宿於墓側

族人憐其貧代為結廬三三之內織屨餬口知縣以至性肫篤旌之贛郡方志

李世洵字經蘇南隅李塘人少喪父事寡母陳氏備極孝養母右腹患疽躬親湯藥早夜以舌舐取膿血毒盡

得愈母以壽終葬祭如禮晚年精青烏術為人卜兆遇山水佳處輒見諸吟咏無非追想音容倦戀松楸之什

族人欽其孝行既歿奉其神主祔享祖祠新

涂山峯字超凡衣錦鄉小密人親喪廬墓三年哀感行路服闋應童子試學使蔣公元益置其文棄卷中既而三見於案頭心異之遂取入郡學以問教諭蘇運昌蘇以山峯廬墓事告學使大加賞嘆

劉後啟字作睿城岡源阮人乾隆甲辰乙巳父母相繼逝廬墓終喪署令都俞旌以純孝可風匾額

黃光祖名嗣耀以字行灘上人父病背疽醫言不治光祖禱於神跪吮其疽毒盡傅以良藥竟愈壽至八十光祖亦七十有九而終

凌雲端大足鄉人太和子親死廬墓三年知縣徐培教

興國縣志

卷二十四

人物
孝友

二十五

諭項勳俱獎以匾額

謝添忠北隅黃溪人事父篤孝母歿廬墓二年知縣錢

樾獎以匾額督學王公鼎書天性真誠四字旌之

以上
蔣志

鍾顯定清德鄉人幼習木工父歿食力奉母能得懽心

嘗隨一鄉官出外給以厚值僅信宿卽告歸或止之則

淚潛然下曰恐老母倚閭望切卒辭去值母病禱於神

願茹素終身母病果痊及母年八旬歿呼搶欲絕旣葬

廬墓二年乃返舍竟以哀毀致疾不起比殮時猶蓬頭

垢面見者哀之邑令李申請旌表並贈匾額

陳憲曾字國珍學會第年十七失怙哀毀盡禮廬墓二

載學使張文毅公獎給至性過人匾額服闋入邑庠食廩餘

李運權蜈蚣山人母死屬翁奉侍嚴親已獨廬墓三年俟後彙詳請 旌

劉福選澄塘人有至性幼喪母哀毀如成人比長事父能得懽心父老臥病五年溲溺遺屙必親服役曰吾恐委諸他人敬意稍衰吾父必不安也及卒哀毀逾常諸兄憐其貧不欲派以葬費福選不可卒竭貲以付後裔人泮者數人孫煒蘭任龍泉教諭

邱文炳江背洞邑庠生篤行嗜學事親先意承志父歿

興國縣志

卷二十四

人物
孝友

三

時啜粥飲水哀毀骨立獨居別室者數年每值忌日茹素哀哭終身如一日事繼母無間所生母亦愛如已出年四十遽卒士林悼惜之

劉顯諸長信人孝行素著母年八十餘卒廬墓三年俟後彙詳請 旌以上新增

文苑

宋

王奇字漢謀號春山歙江鎮人宋初縣未分爲贛人少
 爲縣掾史縣令偶題屏障畫雁云隻隻銜蘆背曉霜晝
 隨鴛鷺立寒塘奇密續云晚來漁棹驚飛去書破遙天
 字一行令奇之因勸之學後遊京師有聲場屋間居李
 文靖公沆客舍文靖薨於位真宗臨奠見屏間秋興詩
 雁聲不到歌樓上秋色偏欺客路中宿寺夢回荷葉雨
 渡江衣冷荻花風問爲誰作左右以奇對因召見占對
 稱旨特許殿試既登第有謝詩曰不拜春官爲座主親

興國縣志

卷二十四

人物
文苑

三七

逢天子作門生官至殿中侍御史

參蔡志
志林

按興國未置縣時人物皆稱贛人第王奇在真宗朝

而一統志省郡志尚載隸贛縣故謝志辨定歸於贛

然選舉表仍錄王言是亦雜用王氏家譜也張志據

丙申郡志改入後之修志者遂悉從其舊

參蔣志

王言字有德奇長子天禧亡未進士官至知制誥在翰

林以清慎名書法秀逸風節爲胡安定先生瑗所稱

蔡志

王質字景文北隅人善屬文遊太學與九江王阮齊名

著論五十篇言歷代君臣治亂謂之樸論中紹興進士

召試館職不就張浚都督江淮辟爲屬人爲太學正忌

者其讒質年少好異論遂罷去會虞允文宣撫川陝辟質偕行一日令草檄契丹文援毫立就允文起執其手曰景文天下才也入爲勅令所刪定官遷樞密院編修允文當國孝宗命擬進諫官以質鯁亮不回且文學推重於時可右正言時中費用事多畏憚質陰阻之出通判荆南改吉州皆不行奉祠居山絕意祿仕

通志

謝詔曰舊志鄉賢中興國有王編修質按宋史質先爲鄆人徙興國不明言軍與縣也偶閱文獻通考載雪山集三卷富川王質景文撰攷富川係湖廣興國軍舊名於是檢武昌府志而覈之則傳質入興國州

興國縣志

卷二十四

人物文苑

五

僑寓其注履歷與史同紹興三十年與州人周震來同舉進士而州之政和堂恩波亭銀山寺福星寺大浩院皆有質詩富池口吳將軍甘寧廟有質記始訝質之非贛人也而一統志江西通志俱誤矣既據質論贛盜嚴盜疏中一則曰臣嘗聞之二郡者一則曰臣往在江西見所謂食菜事魔者又曰臣往在江西見其所盜販茶者其非贛產不較然著明乎當其時張孝祥知荆南與質游汪澈以殿中丞宣諭荆襄張浚以樞密都督江淮俱辟質爲屬以質居楚故也廣興記亦收質入武昌人物查宏治辛亥郡志無質名

嘉靖庚寅志始有之豈因一統志江西通志乃增入之歟夫名賢固有二三處互見者不妨存疑但州縣同名興國縣之不可溷於州猶州之不可溷於縣也州有詩有記足證矣而縣無一可證鑿空以墓實之且指某爲某弟某爲某孫某爲某幾世孫將不令楚人抵掌乎郭青螺先生表章前喆採及鄰封作興國四賢傳意何厚也予也桑梓後生奈何忍蔑先賢而妄有辯駁乎第志以信今傳後訂訛考誤責有屬焉如明知其非是而姑冒以爲名是以拜郭汾陽墓者待里人薄滋甚矣旣無所疑不存之可也

興國縣志

卷二十四

人物
文苑

三

孔輿浙曰王編修質其先世自鄆來徙於虔至質而始僑寓武昌求之楚乘稽其家牒隱相符契通志一統志俱以質屬興國縣惟蔡九霞廣輿記兩地互見一載於虔之興國一載於楚之興國桑梓故墟羈人轍迹正不妨兩存之耳郭青螺先生著四賢傳質與焉且服其文章有賈長沙風味竊嘆前賢之用心深且厚其不忍因彼而失此也如此志林必割之爲楚人毋亦執成見而盡沒羣書也夫

按通志及乾隆壬寅郡志於科目表仍存王質名故今從孔志所引以質爲興國縣人然損持太史本謝

郡志而不敢遽增者誠以欲改謝志則必有說求其說而不得故姑踵舊志殆未可厚非也孔志以執成見而盡沒羣書為不可然則鳳渚之論固不可沒矣爰並列之以俟後人之論定

蔣志

明

鍾磐字希仁衣錦鄉人紹京之裔潛心經史博洽古今泰定間教授成都人才多所成就又教民耕種之利民感其惠立生祠祀之明初當道交薦遣行人趙彥可齎勅書賜磐禮幣徵赴闕道卒

參郡志蔡志

鍾廷方紹安曾孫祖斗元為贛儒學正家藏書萬卷客

興國縣志

卷二十四

人物文苑

三

時從借讀恣所觀閱有手澤尚存者有新若未觸者臨終屬其子以寶藏遺書為孝廷方恪守祖訓嘗攝邑文學尤癖於書家藏未備者不吝捐貲以購先世遺文手輯成帙名一家機軸名公詩詠采而錄之名治世雅音琴譜丹經奕數星術亦旁通而肆考焉學者稱東岩先生

郡志

謝嶽字維高北隅一里人洪武己未為諸生以人才貢入太學泰和陳謨為文送之稱其質醇而稟厚服習經傳通其闡奧要其指歸達於體用不滯不浮嶽嘗從謨受學者也仕至刑部主事

林志

羅斗明失其名以字行泰和陳謨稱平川羅斗明先生之詩古文沉蔚勁覈葩條扶疎掩映敷不羸簡不鬱得柳柳州風骨始嘗有意仕宦旣而翻然棄去益大肆力於古朋徒經其指授者皆風氣日上而劉啟東最稱才啟東之文明以縝溫以達東規矩而不輕縱熟復焉而蹈行之古人不難到也啟東亦失其名謨作劉啟東文序原本而亟歎之如此

林志

張尚瑗曰揚子有云明星皓皓引而高之者天也士之能無所憑藉而成其名者鮮矣興國惟先之先生學術行業雖微伊川亦傳所撰章貢集使及今見之

興國縣志

卷二十四

人物
文苑

三

所託以傳者必多而典故不存文武道盡若呂司丞乃藉宋文憲以傳者也寓賢之有劉槎翁陳海桑固非文憲之比槎翁亦藉傳於文憲海桑則藉傳於虞文靖楊文貞予卽從二公之集以求興邑之人才於宦蹟得陳文彬於仕籍得謝維高而於文學得羅斗明皆立傳以傳之朱克敬鍾廷方則謝鳳渚先我傳之五人者宜有傳者也其餘則附見於所輯兩公之詩若文而更提挈表暴於流寓傳中嗚呼若此類名湮沒而不稱可勝慨哉

王明道號惕齋洪武壬戌舉賢良至京師時方選儒士

兼通數學者考閱天下圖籍明道與選尋遇疾歸第本道號立齋弱冠負文譽淹貫羣籍洪武乙丑進士仕終刑部主事季弟與道號寶善工詩文多所編輯鄉邦有三王之目

林志

鍾觀字尚賓北隅人登宣德乙卯鄉薦任羅源臨海二縣教諭景泰庚午典試應天遷四川越巂衛學教授入為南京國子監學正時御史嚴核所司俱屈膝為禮觀浩然拂衣家居甚貧有殺人者持百金賂求免於官觀曰殺人逃死非法也卻之與廣文袁天騏編輯縣志為書五卷無粉飾回護無胸臆偽譏据實直書古道存焉

興國縣志

卷二十四

人物文苑

三

萬歷末蔡令鍾有績修時已亡其書故反多闕失取謝方伯詔贛府志對勘知袁鍾所錄樸而碩簡而賅有先民之慕矣

林志

鍾圓字稚方藍田東高多人年十七餽於黟郡守愛其才為行冠禮於堂上嘉靖中貢授江華令致仕從王文成公講求性命之學壽八十九

蔡志

王洞字用晦瑗仲子萬歷己亥拔貢授宣平令在任清簡愛民好士宣人德之歸家以簡編自娛不與戶外蔡令鍾有輯縣志以其多識舊事虛心往諮洞亦慨然力任政治釐革人物臧否皆一手裁決鍾有於凡例中稱

為華陽先生極推重之志林

蕭煥字文甫東隅人幼失怙恃育於大母節婦鍾氏稍長思卒父業丙夜不寐遂以博洽聞當道皆器之萬歷乙巳由貢上公車有勸以就業辟雍當得司民社以抒夙抱者煥意不屑也竟授教而歸杜門課子四方從遊之士踵相接稱為企黃先生蔡志

王貴卿字宸寰順義上人萬歷癸丑歲貢天啟甲子任泰寧教諭端方持已勤敏課士兩臺有文行兼優之薦性恬淡無意仕宦秩滿辭歸居家不慢卑幼時周鄉黨窮乏杜門庭訓寒暑不輟子鼎相以文章著孫思軾以

興國縣志

卷二十四

人物文苑

名臣顯蔡黃志郡志

國朝

劉天貢字賦九順治庚子歲貢天真從弟與天真同年生才名亦相伯仲天真鍵戶研求儒先理要而天貢詞藻風發後進多從之游黃令惟桂輯縣志文筆實出其手子元燦亦歲貢仕德化訓導蔡郡志孔志

謝芳字蕙草北隅鳳岡人康熙庚辰歲貢矜意氣重然諾能周人之急著有江上吟述山堂詩集志林

廖應梅字雪姿衣錦鄉三寮人康熙五十六年由歲貢授崇仁教諭課實崇儉令敬服之不干以私與士接肅

氣正容竟日無浮論師範足式歿於官祀崇仁名宦郡志

鍾夢麟字天瑞衣錦鄉杉溪人幼穎異能文章性至孝父母死每忌辰必哭奠鄰人為之感泣友人在急難中賣田百畝救之不自以為德以經學世其家子肖儼兄弟皆有才名張太史撰志林作崖石辨著有便則集二

卷孔志

鍾才焯字少周榔木人貫穿經史嘗讀書花橋村忽夜半心痛疾趨歸果母病在牀人以為孝感所致居常以經義授族後進二子承家學食餼有聲邑大夫重其品

興國縣志

卷二十四

人物文苑

三四

薦為賓孔志

劉應彩字雨三邑廩生性謙冲雅善詩古文詞張太史撰志林嘗委任之王宗伯思軾歸田里延訓諸孫嘗曰與劉生議論得聞所樂聞年七十將歲薦卒著有蘭圃

集四卷孔志

徐廷輝字映孫號奎齋西隅人由邑廩雍正癸卯拔貢潛心義理之學教授生徒多知名士初就直隸州判改就教諭職入監列上舍以母老告養歸邑令金履寬延禮澱江書院山長獎誘後進脫穎者甚盛乙卯舉鴻博以終制未赴任臨江府峽江縣教諭孔志

鍾飛鵬字圖南號健堂榔木人雍正癸丑進士天資高邁書過目不再胸次灑落家極貧無窘色初以選貢入成均祭酒孫公嘉淦奇其文嘆為天才考選教習壬子中順天鄉試受知於帥公念祖遂聯捷成進士帥公督學浙省聘主幕事尋抱疴歸卒未竟其用士論惜之孔志鍾丕顯字次濂榔木人乾隆丙辰恩貢守陽明良知之學靜默孤高謝絕紛華為文以簡潔勝徐令大坤延主書院講席著有敬齋錄一卷子人文拔貢官永寧知

縣孔志

蕭亮字刊亭東隅人邑廩生少負文名學使李公鍾儔

興國縣志

卷二十四

人物
文苑

三五

試贛郡賞其七律之工取冠十二邑遠近爭相傳誦邑進士鍾飛鵬會昌舉人文峙皆一時名下士也與亮交善嘗欲哀集其詩文以行世新增

鍾秀源字受滋遠綏子雍正乙卯拔貢乾隆戊午副貢嘗主澱江書院講席說書課文必按程限知縣孔興浙稱其品純養邃足為士林矜式復聘請纂修邑乘據蔡志原本採摭最詳新增

鍾仁字樂天北隅二里人乾隆戊辰歲貢授安義訓導安貧守道布袍之官秩滿歸猶衣之以見故舊未嘗更製新者為文風發泉湧橫厲無前雙江間成進士者皆

白遜以爲不如鄉試屢獲薦嘗一擬元卒不售

劉登峻字極添大足鄉泗望人乾隆乙酉舉人潛心經學偶有所得必手自劄記穿穴貫串積久成帙家貧步行應公車一子擔負以從見塗間餓殍捐橐中金瘞之瘞畢復行行輒默誦經史或作小詩自遣人不知其爲孝廉也會試報罷歸授徒自給啟迪不倦多所成就

徐學儀字懷汾延光孫乾隆辛亥歲貢刻苦學文以經義教授鄉里弟子從遊甚眾前令兩請主講書院嘗欲鼓舞同人俾切觀光之志倡設鵬舉戶親往勸捐應者踵至乃酌定章程定爲鄉會試舟車費各若干學者至

興國縣志

卷二十四

人物
文苑

三十六

今賴之選清江縣學訓導未赴任卒

以上
蔣志

胡麟字紱銜楓邊人幼歧嶷九歲失恃事繼母甚祇比長父又歿依同堂兄化鯤學服闋補郡學弟子第一旋食廩餼學使汪文端公釐正文體嘗三梓其試藝復薦入贛南道署肄業年四十中戊子鄉試四上公車不第歸與其兄化鯤修善於鄉凡義倉鄉約以次立尤嚴辨於義利及主激江寶賢兩書院門下士一以古法繩之無甚寒誥暑必振衣登堂危坐講四子書註各經史終日娓娓不倦其古文詞十餘卷待梓行世初以知縣截取咸豐間督理鄉團有功加光祿寺署正銜尋卒

增

武略

唐

謝肇字景初衣錦鄉人幼嫻武藝僖宗朝從父帥義兵
 征蠻功第一乾符中授本州刺史廣明元年改韶州會
 寇起汀建勢焰逼虔復授工部尚書充百勝軍防禦使
 討平之已而閩粵容管隸卒叛改容管經略處置等使
 督兵進勦止誅元惡逆黨解散進金紫光祿大夫檢校
 戶部尚書爵會稽子以勳名始終衣錦鄉之得名以此
 並祀梧州名宦本邑鄉賢參郡志
蔡志

元

輿國縣志

卷二十四

人物
武略

三

呂志熊南隔一里人少受經為文曉天文術數之學世
 亂習兵法元至元間左丞管如德討鍾明亮於甯都志
 熊募壯士為前鋒次吳口渡進屯觀潮凡十餘戰斬級
 甚多授行院都事月的迭失趨贛奏為贛州路總管府
 判官志田龍南又從左丞董士選討贛盜劉六十有功
 累擢同知總管兼管輿魯內勸農事大德丁酉至己亥
 旱澇頻仍繼以疫癘志熊賑卹拊循境賴以安致仕卒

志
林

按志林呂志熊傳係參吳澄墓誌銘及蔡志合譔孔
 志據蔡志原文謂志熊方襁褓時忽自言曰家人集

事吾當總管父大駭再試之語益奇此等紀載入之家傳未爲失體志乘人物應仿史法不加刪削則涉怪誕矣又云至正壬午以薦授江西行省檢校考至正壬午係順帝再改元之二年其時吳文正公歿已二十六年安能復起爲志熊作墓誌銘耶一篇之中自相矛盾而孔志曾不之覺今改從志林蔣志

江秀敏元至正中縣舉爲百戶長大嶺山賊曾石賴觀溫九等挾邪術倡亂行省參政普庵撒里檄秀敏募鄉里壯士禦之秀敏輒率家丁九百餘人一夜馳往出賊不意擒三首孛斬級二十一生擒四十餘人餘眾悉竄

興國縣志

卷二十四

人物
武略

三

散積功陞武德將軍志

明

李如爵宋評事子高裔孫成化間閩寇起殘破湖嶺間命州縣皆設機兵以備寇如爵以勇剽縣舉爲機總歲丁未賊鍾世賢王九龍攻信豐郡守李璉調興國機兵往禦謀置帥邑令胡傑曰如爵才略可獨任也遂遣之至則一戰馘其渠受金幣之賞已而復寇會昌郡發兵以如爵統之固守踰年不遑寢食寇退乃歸繪出征圖

紀其事志

呂律東隅人有智能宏治間署印記凡三十年後從王

新建守仁征橫水及宸濠有功受賞又有蕭承者東中
下文溪人有勇略亦從征宸濠有功蔡志

國朝

呂應選字羣英志熊裔孫秉性剛果有大略慷慨仗義
康熙甲寅崖逆蜂起應選捐募義勇建礮臺保城有功
授贛州前營把總會吉安寇變從征屢捷總鎮哲爾肯
薦陞柳州都司抵任一載以年老力辭歸孔志

藍子明明末自郴連間避亂與雷羅二姓攜族僑居興
國貌壯偉趨勇多力樂赴公義甲寅韓大任據吉安興
邑村鄙多被鈔劫子明獨奮先禦賊以少擊眾輒勝於

興國縣志

卷二十四

人物
武略

三九

是白石密石竹管洞楓邊箬阮皆連結保聚推子明爲
長嘗擊賊於迴龍嶂其子死焉同伍以告子明不應戰
愈力賊退縣令黃惟桂聞而嘉之後寇警登城北望歎
曰寶城鄉有藍子明在隱若一敵國矣林志

按子明志林載行義傳中今從郡志改附於此